

Magna misericordia et clemencia  
vostre et nostre dante  
dante et nostre dante  
et clemencia  
et clemencia



Ulrici hulten Orō. Ut principes Germani cōn Turcas bellū incant-  
 em onstly vuez den Turcken.  
 Rūfio Ro. Imperator ad conciliū Lateranē. de sumēdo eodē bello  
 Aula. vltim hulten — d. Moribz curia principū pfectū  
 De lris grecis ac institutibz hebreis. Ex Aldo rē  
 Caro. Eras. Roterodami. Alimi publicani. Septē sapientūz  
 rebus dicit. Institutū christiā hūz. pareness Horatij. tabla  
 Eurhridion Eras. Roterodami de veterz religioz puritate  
 Seneca de penitētia Martini Luther. hētin  
 Formicarij Joannis vijdz.  
 Musica vniuersitatis Andree Meyringē. I d. Auctu ac cōn  
 Compitū vniuersitatis Erfurtē. "puncto"  
 Compitū Erfurtē In carmine Jo. brandij

• C. e. 39

• Script. lat. recent. in Quarto

• 2. N. G. 14.

II 2 c 14

II 2 r 14

mit celebraret ist in despaß in  
les 4te. Dittillendit am 10te

Salvo Salu. Acti. Et exph. via  
marrina. i. o. u. a. u. f. e. t. a. u. t. e. a. f. h. e.

Salu. Acti. Et exph. via  
marrina. i. o. u. a. u. f. e. t. a. u. t. e. a. f. h. e.



6  
Das ist ein anschlag eins zugs wider die  
Turgken. Vnd alle die wider den Chri-  
stenlichen glauben seind.



¶ Betracht zu Leypstgk durch Wolffgang Stöckel. | 5 | 8.

## Diser anschlag wider die Turgkenn ist

aufgezogen auß der verwilligung der mindern brüder oder Barfusser den sie gethan vnd zugesagt haben vnserm heyligen vater dem Babst/ wie sie haben vierzig tausent Clöster/ wölten sie auß yedem Closter eyn geraden iungen münich dar geben/ Das in ließ vnser heyliger vater der Babst nach viertausent Clöster/ das es belib auff. xxxvi. tausent / Auß yedem eyn münich das berecht. xxxvi. tausent münich.

¶ Auch mit der vorwilligung/ sie wölten nit wider heym kummen/ dan fur vnd fur yren orden meren in den landen gegen den Türcken.

¶ Nun setz ich/ das die andern drey Orden/ als Prediger/ Augustiner/ Carmeliten/ auch zu hauffen haben. xxxvi. tausent Clöster.

¶ Nun setz ich/ das alle andere Clöster/ der dā vil ist/ als Teitsch hern Johanner/ Bernhardiner/ Benedicter/ Cartheuser/ Schotten/ Pauliner/ vil ander Orden/ auch das sie zuhauff haben. xxxvi. tausent Clöster.

¶ Nun setz ich alle Stiff/ Frawen vnd iunckfrawen Clöster / auch auff. xxxvi. tausent Stiff vnd Clöster.

¶ Wen ydes Closter eyn man solt geben/ brecht die Summ hunderth tausent vnd vier vnd vierzig tausent man.

¶ Nun setz ich/ also menig minder brüder orden ist/ das dar geben sey/ Also manig Closter/ also offft zehen pfarr kirchen/ das brecht drey mall hundert tausent vnd sechzig tausent pfarr kirchen / wen yede pfarr kirch solt eyn man geben/ eyne der andern zuhilff/ brecht drey mall hundert tausent vnd sechzig tausent man.

¶ Summa summarū fünffmall hundert tausent vñ vier tausent man.

¶ Item/ Nun wil ich setzen wie wir dem Türcken ein widerstandt theten mit volck/ das zu streyten tüglich/ genaygt vñ gewont ist der kriegß leuff/ vnd zu veld ligen/ Ein yeder man/ arm vnd reych/ on groß beschwernus seines leybs vnd guts/ Das in der Christenheyt eyn gleyche pürd getragen möcht werden/ in geystlichen vñ weltlichen stenden auff verbesserung böser vnterweysung.

¶ Item/ Nun setz ich fur das erst die Clöster/ das eyn yedes Closter hat xxx. person/ geystlich vnd weltlich/ die dan zu dem heyligen Sacrament geend/ das yede person all woche eyn pfenning solt geben/ wer yedem Closter alle woche. xxx. pfenning/ oder ein halb ort eines Reinschen gulden / were allweg/ eynem Closter alle zehen woche eyn Vngerischen

gulden brecht alle wochen die Clöster. xliij. tausent. liij. hundert Ungerisch gulden. x. schilling für eyn gulden/ macht eyn Jar sibennall hundert tausent. xlvij. tausent vnd achthundert Ungerisch gulden.

¶ Item/ nun setz ich eyn Pfarr in die andern zurechen/ das sie hab drey hundert menschen/ die zu dem heyligen Sacrament geen/ dan der Pfare sindt vil mer/ gib ich alle zuhilff eyne der andern/ Vñ wen yedes mensch alle wochen ein pfenning gebe/ das dan zu dem heyligē Sacrament geet macht eyn wochen drey mall hundert tausent. lx. tausent Ungerisch gulden/ macht ein iar. viij. million. viij. hundert mal tausent vnd. xx. tausent Ungerisch gulden/ ye. x. schilling pfenning für eyn Ungerischen gulden

¶ Summa summarū/ die Clöster vnd Pfarr zuhauff eyn Jar. xvij. million viernall hundert tausent. lxxvij. tausent vñ. viij. hundert Ungerisch

¶ Item/ Sonder steror vñ hilff der Grossmechtigen Fürstē (gulden vnd Herren/ vnd aller frummer lewt/ beyde geystlich vnd weltlich/ man vnd frawen person/ was steror man darzu geb/ eyn yeder vber seyn wochen gelt/ das ist nicht zurechnen.

¶ Auch soll man der Juden nit vergessen/ Soll man anschlahen nach frummer herren rat/ brecht eyn gutte steror.

¶ Item/ nun hab ich gerechent/ wie vil man Söldner zu Ross vnd zu fuß möcht haben von den wochen pfenning / als dan vor bezaychent ist sonder on ander steror vñ hilff/ Wen man ein zu Ross geb ein woch zwen Ungerisch gulden/ vnd eyn zu fuß eyn Ungerischen gulden/ oder x. schilling pfenning. So möcht man halten zu Ross hundert tausent. xxiiij. tausent vñ achthundert Söldner. ¶ Item zu fuß auch hundert tausent vnd. xxiiij. tausent vnd acht hundert Söldner.

¶ Summa summarū zu Ross vñ fuß zway mall hundert tausent. xlvij. tausent vnd sechzehen hundert Söldner.

¶ Item/ So möcht eyn yezlicher Fürst vñ herr geystlich vnd weltlich/ vnd meniglich in seynem standt/ vnd in seyner rwe vnd wesen beleyben/ außgenummen die zu Hautbleuten vnd Söldnern außgenummen vnd bestelt werden/ eynem yeden seynen solt zu geben.

¶ Item/ Sol man aber auß der gemein schicken ein volck an die Türcken von Handwerckfleuten/ von geystlichen vnd weltlichen/ Gedecht eyn yeder hinder sich an sein geschafft/ auch an weyb vnd an kinder/ Vñ weren des herten legers zu veld nit gewont/ offft hunger/ durst/ vnd kelt leyden/ das der Söldner muß dulden/ dan er weysß wol das er seyn sold

darumb ein nimbt. Vnd zuermeyden die vneyngkeyt die vnter dem gemeynen man ist/Dan eyn yeder Söldner muß seynem Rotmeyster vnderthenig vnd gehorsam seyn.

¶ Item so man sochen anschlag thut/so soll eyn yeder haufswirt oder haufswirtin bey iren ayden / bey dem schweren pann / si sindt geystlich oder weltlich / Edel oder vnedel/niemant außgenommen/ Pfarrer oder priester zc. yeder seynem dienstpoten/ der zu dem heyligen sacrament geet sein wochen pfenning dar geben/vnd sol es im an seinem sold oder Jarlon abziehen/vnd sol auch solch gelt geben vnd raychen an die ende/ da man dann eyn yeden hin bescheyden hat zc. Bey der peen vnd büß die man darauff gesezt hat.

¶ Item/zu solchen anschlag der Türcken gehöret eynigkeyt der Fürste des reichs/ auch eyntrechtliche münz von gold vnd von silber / das der Vngerisch vnd der Keinisch gulden mit eynander cöcordiren/Also/das funff Keinisch gulde als gut sein als vier vngerisch oder ducaten gulde

¶ Item/Auch dabey eyn silt erin münz, als groschen vñ Creützer/ vñ zwayer/ vñ pfenning/ das dan dienet in alle landt/ das eyn yeder möcht wandern on vorlust der münz.

¶ Item/ So müsten die Vngerischen vnd Ducaten gulden auff das mynst halten. xxiij. Karat/ Etlich halten mehr/etlich mynder/ Sollen achtzig auff eyn Wiener marck geen.

¶ Item/ So sollen die Keinischen halten. xix. Karat/vnd sollen. lxxvi. auff eyn Wiener marck geen.

¶ Item So müste der Grosch halten neun lot feyns silbers/vnd müsten hundert auff eyn Wiener marck geen.

¶ Item/oder der Grosch müst halten. viij. lot feyns silbers/vnd. xci. auff eyn Wiener marck geen/ so wurd er dester besser / so wer dan eyn grosch als schwer als drey Creützer.

¶ Item/ So sollen die Creützer halten eyn marck .viij. lot feins Silbers/vnd sollen. xvij. auff eyn lot geen/so wegen drey Creützer ein groschen/ vnd das soll Wiener gewicht sein.

¶ Item/ dye zwayer sollen haben eyn marck. vi. lot feins silbers Wiener gewicht/vnd sollen. xxvi. auff eyn lot geen.

¶ Item/dye pfenninge sollen habē eyn marck. iij. lot feins silbers Wiener gewicht/vnd sollen. xxxvi. auff eyn lot geen

¶ Item/so wers. xxv. groschen fur. j. Vngerischen oder Ducaten gulde



¶ Item. xx. Groschen für eyn Reinschen gulden/wer. v. für. iij. Ungerisch gulden/oder. iij. Ungerisch für. v. Reinsch gulden.

¶ Item/der grosch sol halten zwelff pfenning/oder sechs zwayer.

¶ Item/der Creutzer sol gelten vier pfenning oder zwen zwayer.

¶ Item wer gleych drey Creutzer für eyn groschen/ Auch wer es gleych lxxv. Creutzer für eyn Ungerischen oder Ducaten gulden vñ. lx. Creutzer für eyn Reinschen gulden/ Wer in Osterreich/ Bayern/ Steyrmarch/ Kernten/ Kren. x. schilling pfenning für eyn Ungerischen oder Ducaten gulden/ Auch wer es für ein Reinschen gulden. viij. schilling pfenning/ oder vier schilling zwayer für eyn Reinschen gulden.

¶ Item/ So möcht man den groschen/ als weyt das heylig Römisch reych ist/ eyn gemeinen namen setzen vñd hayssen/ nach dem der kauffman dan mit mancherley groschen im heyligen reych kaufft vñd verkaufft/ möcht man den groschen nennen schilling in golt. xxv. schilling in golt für eyn Ungerischen oder Ducaten gulden/ vñd. xx. schilling in golt für eyn Reinschen gulden/ eyn schilling in golt für. xij. haller oder pfenning wie man sie nennen wölt.

¶ Item/ So wurde solliches gelt geen als weyt alle Teitsche vñ welsche landt seind im heyligen reych vñd alle Fürstenthumb.

¶ Item/ auch wer solche vorgeschribne silbern münz/groschen/Creutzer zwayer/ vñd pfenning/ yetzlichs nach seiner wird des gulden werd. Es sindt Ungerisch/ Ducaten/ oder Reinsch gulden/ des gleychen widerumb die gulden des gelts werd in allen Fürstenthumen.

¶ Item/ wen solcher anschlag geschech vñd eyn gemeynen furgang gewunne durch die heyligen christenheyt/ als weyt der christenlich gelaub raycht/ wiewol etlich wurden sprechen es trüg ein merckliche sum gelts damit die christenheyt geschwecht oder beschwerdt wurde / so wer es doch eynem yeden armen vñd reychen/ geystlich vñd weltlich wol zu leyden vñd zu dulden.

¶ Item/ nun setz ich das solch gelt wurd wider in die gemeynschafft der christenheyt kummen vñd gebracht werden/ vñd die christenheyt vñd der christenlich glaub damit gesterckt wurd.

¶ Item/ wen dan eyn gemeyner fryd der christenheyt ist/ so werden dadurch aller Fürsten merwt vñd zöl gemert vñd gebessert in allen landen mit aller handthierung ab vñd zu führen.

¶ Item/ auch werden die wirt oder gastgeben gebessert mit der zerung

auch der pawrsmann/der fleyscharwer/der vischer/vnnd der peck/vnnd  
der weinschenck/ vnd das vmbgelt der Fürsten vnd der Stet/ vnd vill  
ander die durch die gest vnd von den wirtten yr narung haben m̄ocht  
¶ Item auch wurden all Handwerker vnd Kauflewt dadurch ge-  
bessert/ als der schuster/ schneyder/ wollenweber/ leynweber/ schmidt/  
platner/vnd bogner/schwertfeger/messerschmidt/ rotschmidt/büchsen  
mayster tc. vnd vil ander die dan̄ nachuolgend ab vnnd tzu führen/von  
allen landen yr narung suchen.

¶ Item/ das sollich gelt alles wider hindersich tritt in die gemeyn der  
christenheyt/was dann von gelt vnnd von gut den Türcken abgewun-  
nen wirdt/ geet alles der Christenheyt wider heym./ das eyn yeder seins  
wochen pfennings wol wider eyn mag kummen vnd gewinnen/ Er sey  
Fürst oder herr/ edel oder vnedel/ geystlich oder weltlich/ hantwerker  
oder pawr/niemant außgenommen.

¶ Item/ Also den̄ mag eyn landt dem andern dienen mit aller handt-  
thierig/eyns hat tuch/eyns hat parchat/eyns leynwat/eyns eyssen/eyns  
stahel/eyns Golt/eins silber/eyns kupffer/eyns saltz/eyns gewürtz/eyns  
wein/der treybt Ochsen Ross vnnd ander viech/dauon vil zuschreyben  
wer/das allweg von eym landt zu dem andern gefurt wirdt.

¶ Item/Damit mag die heylig Christenheyt wider zu nemen/ Das sie  
wol on schaden vnd mit gutem rat/got dem almechtigen zu lob vnd zu  
eren solches wütrich/die dan̄ wider den heyligen christlichen glaubē sind  
widerstandt thun mit grossen eren/on schaden menigklichs.

¶ Item/durch solichs möchten alle landt wider auffnemen/in geyste-  
lichen vnd weltlichen stenden/ die dan̄ der Türck verwüst vnd zerstört  
hat/vnnd zu dem christlichen glauben bracht werden/ got dem herrn zu  
lob vnnd eren. Vnd ich hoff zu dem almechtigen got/der almechtig ist/  
seyn götlich gnad darzu geb/ das wir christen die Türckischen landt zu  
dem heyligen christlichen glaubē mögen bringen/ Als es der Türck gern  
thet vnd sehe vnd darnach strebt/alle christen menschen an leyß vnd an  
gut zu verderben vnd vnter seyn gewalt zubringen mit seynem vnglau-  
ben/mir zweyfelt nit got der herr sol vns christen seynere götlichen gnad  
sig vnd vberwindung geben gege. i den vnglaubigen.

¶ Item/wen̄ von tausent menschen würdē geben eyn gantz Jar. x. gul-  
den tzu steror vber den wochen pfenning/ das brechte das Jar in eynere  
sum̄ zwey mall hundert tausent. xxxij. tausent vñ zwey hundert gulde.

¶ Item/ wen aber eyn yede Pfarckirchen/eyne der andern tzu hiff wölt  
geben vber den wochen pfenning; alle Jar. v. gulden/ So brecht es eyn  
Jar in eynen sum. xvij. mall hundert tausent gulden.

¶ Item/ wē auch ein yeder Fürst vñ Keychstat nür eyn gutte püchsen  
oder schlangenpüchsen zu solchem anschlag tzu steür gebe/ nach yedes  
herren vermügen/ das doch yedem one schaden möcht seyn / das recht  
man auß wie vil püchsen auff den Türcken zug möchten bracht wer-  
den/on schaden der chriſtenheyt vnd des gemeynen mans.

¶ Item/wen man solchen zug wölt thun/so ließ man solch volck dan  
in funff tayl taylen/das wer in yedes tayl. l. tausent man/vnd müſten nit  
also auff die Türcken rayſen als sie auff vns / Nür an yedem endt fur-  
genummen. x. oder. xv. meyl lang/ was landt sie zerſtört oder vntersich ge-  
bracht hetten/solchs wider in vnser landt zubringen/ vnd die zubesetzen  
vnd zu bewaren mit chriſten leuten/Vnnd dan aber so vil fur genummen  
wie vor. Wen dan der Türck solchen zug weren wölt/so müſt er zu den  
chriſten ziehen/vñ sie daheim ſuchen/ So möchten ſich die chriſten alß-  
dan beſtercken/ von eynem endt zu dem andern/ vnnd hetten also eynen  
groſſen vorteyl/das er ſie in yrer wö. ſuchen müſt/vnd ſie in nit. Bege-  
ret aber der Türck eynen ſtreyt mit den chriſten / so hetten wir die gan-  
zen chriſtenheyt hinter vns. Da möcht ein yeder frummer chriſt vnſern  
leuten zu troſt künnen. Vnnd wer die chriſtenlich Ritterschafft haben  
wölt/der möchte ſie da ſuchen mit ſeynem Creutz. Auch so hetten wir  
chriſten alßdan eynen groſſen vorteyl/ Das der Türck vns heym ſuchen  
müſt zu solchem ſtreyt/ vnd wir in nit. Mit solchem abſuchenden krieg  
wurdt man dem Türcken alle die/ die in dem Chriſten glauben weren ge-  
ben widerumb abtringen. Vnnd dan yn mit solchem zwanck/so es ge-  
schehe/ das er ſich vnterthenig möcht machen dem almechtigen Got/  
vnnd der heyligen chriſtenheyt/dan mit solchem anschlag vnnd wider-  
ſtandt möcht mans bringē on der chriſtenheyt ſchad/war zu mans ha-  
ben wölt. Aber wen man ſie wölt vberziehen der maß als ſie vns/ so  
möcht man mercklich groſſ ſchadē nemen. Darumb mit sollichem ſenff-  
ten weſen vnd ordnung/ hoffet ich zu got/ wir wölt in kurzen Jaren  
das heylig grab vñ die Türcken hundert vnter vns bringen/Auch wurde  
vns got vmb chriſtlichs glaubens willen ſig verleyhen. Amen.

*[The text on this page is extremely faint and illegible due to significant water damage and fading. It appears to be a dense block of text, possibly a letter or a page from a manuscript.]*



Responsio summorum Imperatoris facta pro  
republica de sumendo bello contra Turcos  
die xxij. martij. In reg. et vltima sessione  
Laurentij conchy.

**H**onerrimus pater se... Dns Maximus Britanniis vir  
apud nos reddider nobis bene. In quo nobis  
significavit Illustrem Victoriam Thronum hanc  
aduersus Soldanum Egypti. Dum Nosse toto anno  
adheretur / regat / obsequetur / ut potest expedire  
aduersus regem Imperii Christiani regis regis  
regis ac hostem sumere debemus Et vna cum  
illius furore adprimum christianis republice par  
tibus et re confutur. Idq. eund ex relatione patris nostri in  
kellipimus. Et quod fuit amore pietate optet amma su  
pro omnibus sibi commissis poveris. Cuiusmodi nos quo  
passima nobis sed et molestissima fuit. Quippe non  
potuimus non efflectum Salere Christiano noyini  
immensum hanc tantum et tam nobilem Victor  
Cum illi quicquid optat fuit inposuisset ad sua sibi  
potendum firmaverit. In quos pennis aut libentius  
debarbaris qm in miseros Christianos vultus nos  
appellamus. Cui ad opibus floridissimis sunt vna  
bus et animi magnitudinis egregij. Quod vna  
hij non a se potum redierit sed si vna alior hanc  
orbis inuenerit. Quia ad nulli horum dicitur ex  
tunc nisi interpos opdanos nullibz inuicatos se se mui  
rem abstinent. Perfidus aut christi poster hanc et illas



Virtutes imperii ~~fratrum~~ primitivum Quia et si  
Deo placet de sancto triumpho dicitur simul. Etiam ad  
aio nro repetimus Quod nullus deus forte nisi deus  
nostre. Nullus porro alius qui ~~comitatus~~ <sup>est</sup> gentes  
in similitudine brachii sui. In id fructum dicitur  
Ut pro certo habeamus. Tamen virtutum coherentes  
salutarem fore volumus ead divina manus per  
hanc viam aliquod obsequium alluminari. Et de  
mentis ex parte ac randa pulchre. Ipsa namque est  
nos de sancto surgere. Quis nobis regitibus  
omnis rursus ille a nobis excedit. Et in totum po  
rino virtutum. Speramus ead prope nra futuram  
lecturam. Et in finem gentes agnoscenti. ~~obsequio~~ <sup>deus</sup>  
Quod simul nra hinc hinc virtute nobis  
formidulosa esse debet. Quia in ~~et~~ <sup>et</sup> quibus  
omnibus deus hostibus suis. Victoria dicit  
ut ut suorum pro obsequio. ~~verum~~  
etiam quibus. Voluerit fides sui nra subversis par  
na manu ducunt. Hostes copios fiant. Spe  
ramus nro pro nra ~~superant~~ <sup>et</sup> liberati  
sunt. Quod si tunc vere aliquod mentis ~~etiam~~  
et tunc rursus futurum ~~etiam~~ <sup>etiam</sup> nra nra  
superant. Non ad nobis. ~~etiam~~ <sup>etiam</sup> ~~etiam~~  
penitentia qualem multa similia ad tulerunt. In  
hinc egregias virtutes. Inditay aming. ~~etiam~~  
H. V. Et nunc verum qui ferore qua que  
tate pro rursus sibi grege infuit. Quis ~~etiam~~  
nobis gratissima sunt. Quod ad nobis simus  
admirantur. ~~etiam~~ <sup>etiam</sup> ~~etiam~~ <sup>etiam</sup> ~~etiam~~ <sup>etiam</sup>  
Quia ~~etiam~~ <sup>etiam</sup> ~~etiam~~ <sup>etiam</sup> ~~etiam~~ <sup>etiam</sup>  
aperuit ad audendum aliquid virtutum. ~~etiam~~ <sup>etiam</sup>  
quasi. ~~etiam~~ <sup>etiam</sup> ~~etiam~~ <sup>etiam</sup> ~~etiam~~ <sup>etiam</sup>













*[Faint, illegible handwritten text in a cursive script, likely from a 17th or 18th-century manuscript.]*

11



23.04.88

U3.0492

792 1066

ULB Halle

3


003 249 328



4







Das ist ein anschlag eins zugs wider die  
Turgken. Vnd alle die wider den Chri-  
stenlichen glauben seind.



¶ Betracht zu Leypstg durch Wolffgang Stöckel. | 5 | 8.